

Broj: 09-49-1-2008-10/19
Sarajevo, 21.05.2019. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke, imenovane Rješenjem, broj: 03-05-1-1494/19 od 13.03.2019. godine, federalna ministrica financija/finansija **d o n o s i**

ODLUKU
o izboru najpovoljnijeg ponuđača za javnu nabavku roba -
tonera i ketridža za potrebe Federalnog ministarstva financija/finansija

I

U cilju odabira najpovoljnijeg ponuđača, nakon provedenog otvorenog postupka javne nabavke roba – tonera i ketridža za potrebe Federalnog ministarstva financija/finansija, evidencijski broj nabavke: 09-49-1-2008-1/19, broj obavještenja o nabavci sa portala javnih nabavki: 810-1-1-13-3-3/19 od 11.04.2019. godine, broj Ispravke obavještenja o nabavci sa portala javnih nabavki: 810-1-1-13-8-4/19 od 26.04.2019. godine, Sažetak obavještenja objavljen u „Službenom glasniku BiH – Oglasnik javne nabavke“, broj: 28/19, Sažetak ispravke obavještenja o nabavci objavljen u „Službenom glasniku BiH – Oglasnik javne nabavke“, broj: 32/19, kao najpovoljnija ponuda ocjenjena je ponuda ponuđača: **ALF-OM d.o.o. Banja Luka, s ukupnom cijenom ponude, nakon održane e-aukcije, u iznosu 14.000,00 KM bez PDV-a.**

II

Ponuda ponuđača iz tačke I ove odluke ocijenjena je prihvatljivom, jer ispunjava sve uvjete postavljene tenderskom dokumentacijom, a u skladu sa kriterijem za dodjelu ugovora, ponuđač je ponudio najnižu cijenu.

III

Za realizaciju ove odluke zadužuje se Sektor za ekonomske, finansijske i zajedničke poslove ovog Ministarstva.

IV

Odluka stupa na snagu danom donošenja i objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka, broj: 09-49-1-2008/19 od 25.03.2019. godine. Javna nabavka provedena je putem otvorenog postupka nabavke. Procijenjena vrijednost nabavke iznosila je 30.000,00 KM bez PDV-a i predviđena je Planom javnih nabavki za 2019. godinu Ministarstva, dio I Robe, pod rednim brojem 1. – toneri i ketridži. Obavijest o nabavci, broj: 810-1-1-13-3-3/19 poslana je na objavu 11.04.2019. godine, te je zajedno sa tenderskom dokumentacijom, istog dana objavljena na portalu Javnih nabavki. Ispravka obavještenja o nabavci, broj: 810-1-1-13-8-4/19 poslana je na objavu 26.04.2019. godine. Sažetak obavještenja objavljen u „Službenom glasniku BiH – Oglasnik javne nabavke“, broj: 28/19, sažetak ispravke obavještenja o nabavci objavljen u „Službenom glasniku BiH – Oglasnik javne nabavke“, broj: 32/19. Predviđeno je zaključivanje okvirnog sporazuma sa jednim ponuđačem na 1 godinu.

Tendersku dokumentaciju preuzela su 23 privredna subjekta, a 5 ponuđača dostavilo je ponude u predmetnom postupku nabavke. Sve ponude su dostavljene blagovremeno. Ponude su dostavili sljedeći ponuđači: Plan Plus d.o.o. Zenica, Defter d.o.o. Sarajevo, Alf-om d.o.o. Banja Luka, PJ Istočno Sarajevo, Elkom d.o.o. Vitez i Ekoprint d.o.o. Banja Luka

Komisija za javne nabavke, imenovana Rješenjem, broj: 03-05-1-1494/19 13.03.2019. godine, izvršila je pregled i evaluaciju pristiglih ponuda, te konstatirala da su ponude ponuđača: Plan Plus d.o.o. Zenica, ALF – OM d.o.o. Banja Luka PJ Istočno Sarajevo, Defter d.o.o. Sarajevo i Elkom d.o.o. Vitez ocijenjene kao prihvatljive, a da se ponuda ponuđača: Ekoprint d.o.o. Banja Luka odbacuje kao neprihvatljiva.

Ponuda ponuđača EKOPRINT d.o.o. Banja Luka, ID broj: 4400841850001, odbačena je kao neprihvatljiva iz sljedećeg razloga: Ugovorni organ je dana 26.04.2019. godine izvršio izmjenu tenderske dokumentacije, broj 09-49-1-2008-1/19 odnosno izmjenu Aneksa 3 – Obrazac za cijenu ponude – robe i objavio izmjenu iste na portalu javnih nabavki. Ponuđač EKOPRINT d.o.o. Banja Luka je preuzeo izmjenu tenderske dokumentacije, dana 30.04.2019. godine u 15:09 sati i prilikom pripreme ponude trebao je koristiti izmijenjeni Aneks 3 – Obrazac za cijenu ponude – robe. Komisija je prilikom evaluacije ponude konstatirala da ponuđač nije koristio izmijenjeni Obrazac za cijenu ponude – robe, nego je popunio i u ponudi dostavio Obrazac za cijenu ponude – robe (Aneks 3), koji je činio sastavni dio tenderske dokumentacije prije izmjena iste. U točki 16. Obrazac za cijenu ponude tenderske dokumentacije, propisano je da čit...“Ponuđač je dužan dostaviti popunjen Obrazac za cijenu ponude u skladu sa zahtjevima kako su definirani za sve stavke koje su sadržane u obrascu. U slučaju da ponuđač propusti popuniti obrazac u skladu s postavljenim zahtjevima za sve stavke koje su navedene, njegova ponuda će biti odbačena...” Uzimajući u obzir naprijed navedeno, Komisija je ponudu ponuđača EKOPRINT d.o.o. Banja Luka odbacila kao neprihvatljivu.

Za ovaj postupak, Ugovorni organ je predvidio provođenje e-aukcije, koja je uspješno okončana 17.05.2019. godine u 10.18 sati.

Nakon izvršenog pregleda i evaluacije pristiglih ponuda, Komisija je dostavila federalnoj ministrici financija/finansija Zapisnik o pregledu i ocjeni ponuda, broj: 09-49-1-2008-9/19 od 20.05.2019. godine zajedno sa Preporukom o izboru najpovoljnijeg ponuđača: ALF-OM d.o.o. Banja Luka s registriranim sjedištem u ul. V.R. Putnika br. 38 Posl.jedinica Istočno Sarajevo, ID broj: 4400810890005.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uvjetima iz tenderske dokumentacije.

U postupku ocjene provedenog postupka, federalna ministrica nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač dostavio je prihvatljivu ponudu u skladu sa uvjetima postavljenim u tenderskoj dokumentaciji, a u skladu sa kriterijem za dodjelu ugovora, ponuđač je ponudio najnižu cijenu nakon održane e-aukcije.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi putem Ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

1. Svim ponuđačima
2. U dokumentaciju Komisije
3. Sektoru za ekonomske, finansijske i zajedničke poslove
4. a/a



MINISTRICA

Jelka Milićević